

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 28. stav 1. i članom 45. stav 1. Zakona o izvršenju Budžeta Zeničko-dobojskog kantona za 2019. godinu, („Službene novine Zeničko-dobojskog kantona“, broj: 3/19) i odredbama Zakona o poticaju razvoja male privrede („Službene novine Zeničko-dobojskog kantona“, broj: 7/16.), na prijedlog Ministarstva za privredu, Vlada Zeničko-dobojskog kantona, na 5. sjednici, održanoj dana 14.05.2019. godine, d o n o s i

ZAKLJUČAK

o usvajanju Program utroška budžetskih sredstava u 2019. godini (Subvencije privatnim preduzećima i poduzetnicima-ESCROW)

I.

Usvaja se Program utroška budžetskih sredstava u 2019. godini – (Subvencije privatnim preduzećima i poduzetnicima - ESCROW), Ministarstva za privredu Zeničko-dobojskog kantona, u iznosu od 2.400.000,00 KM (slovima: dvamilionačetrestohiljada konvertibilnih maraka) i čini sastavni dio ovog zaključka.

II.

Sredstva planirana ovim Programom utroška sredstava, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

Broj: 02-_____/19
Datum, 14.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za privredu,
1x Ministarstvo finansija,
1x a/a.



PROGRAM
UTROŠKA BUDŽETSKIH SREDSTAVA ZA 2019. GODINU
(Subvencije privatnim preduzećima i poduzetnicima-ESCROW)

Zenica, maj 2019. godine

PROGRAM
UTROŠKA BUDŽETSKIH SREDSTAVA U 2019. GODINI
(Subvencije privatnim preduzećima i poduzetnicima - ESCROW)

I. UVOD

Pravni osnov za donošenje Programa utroška budžetskih sredstava u 2019. godini – Subvencije privatnim preduzećima i poduzetnicima - ESCROW nalazi se u članu 28., stav 1. i članu 46., stav 1., Zakona o izvršavanju budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19) i odredbama Zakona o poticaju razvoja male privrede („Službene novine Zeničko-dobojskog kantona“, broj: 7/16).

Ovaj program usaglašen je sa Strategijom razvoja Zeničko-dobojskog kantona za period 2016-2020 godina, te sa nadležnostima Ministarstva za privredu.

II. IZVOR FINANSIRANJA

Budžetom Zeničko-dobojskog kantona za 2019. godinu, („Službene novine Zeničko-dobojskog kantona“, broj: 3/19), utvrđena su finansijska sredstva, ekonomski kod 614500 – Subvencije privatnim preduzećima i poduzetnicima u iznosu od 2.400.000,00 KM.

III. ALOKACIJA SREDSTAVA

Imajući u vidu raspoloživa sredstva, te obaveze koje proizilaze iz Programa rada Ministarstva za privredu i Programa rada Vlade Zeničko-dobojskog kantona, Ministarstvo za privredu je planiralo utrošak utvrđenih sredstava, na sljedeći način:

1. RAZVOJ KONKURENTNOSTI PRIVREDE

UKUPAN IZNOS: 750.300,00 KM

Indikatori: Prihodi preduzeća, iznos izvoza, broj novih radnih mjesta;

1.1. Program podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patenti)

Iznos: 700.000,00 KM

Svrha:

Jačanje preduzeća sa područja Zeničko dobojskog kantona kroz tehnološko unapređenje proizvodnih procesa i promocija izvoznih potencijala, umrežavanje sa inostranim tržištima i poslovnim partnerima, sa posebnim fokusom na sektore sa najvećim potencijalom za ekonomski rast.

Povećati konkurentnost preduzeća na inostranom i domaćem tržištu kroz podršku procesu uvođenja standarda i sistema kvaliteta, patenata te jačanjem njihove sposobnosti da posluju na međunarodnim tržištima.

Unaprijediti znanja i vještine radnika što će doprinijeti stvaranju kvalitetnih radnih mjesta prema potrebama preduzeća kao i sveobuhvatno jačanje ponude na tržištu rada u Zeničko-dobojskom kantonu.

Vlada Kantona će pojedinačno subvencionirati dio troškova za:

1. Djelomičnu rekonstrukciju objekta za smještaj opreme i mašina,
2. Nabavku opreme i mašina (stalna sredstva) za obavljanje djelatnosti,
3. Promociju preduzeća na inostranim tržištima,
4. Uvođenje standarda, novih procesa, kontrola kvalitete i registracija patenata,
5. Obuke, dokvalifikacije i prekvalifikacije radnika.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Organizacija-primatelj: Proizvodna preduzeća sa registriranim šiframa djelatnosti po Klasifikaciji djelatnosti KD C i J62.

Kriteriji: Prema Javnom pozivu.

1.2. Subvencioniranje projekata komora i udruženja iz područja privrede

Iznos: 50.300,00 KM

Svrha:

U cilju intenziviranja aktivnosti komora i udruženja, naročito njihovog djelovanja na područje proizvodnih djelatnosti, a samim tim i uticaj na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata iz programa rada ovih organizacija, kao što su:

- priprema i organizacija edukacije poduzetnika,
- priprema i izrada kolektivnih promotivnih materijala i
- priprema i organizacija kolektivnih nastupa na sajmovima u BiH.

Pravo na dodjelu sredstava poticaja za realizaciju projekata, imaju komore i udruženja koja su registrirana na kantonalnom nivou prema:

- Zakonu o privrednim komorama u Federaciji BiH („Službene novine Federacije BiH“, broj: 35/98, 34/03).
- Zakonu o obrtu i srodnim djelatnostima („Službene novine Federacije BiH“, broj: 35/09 i 42/11);
- Zakonu o udruženjima i fondacijama („Službene novine Federacije BiH“, broj: 45/02), čije dominantne aktivnosti su vezane za djelatnosti iz nadležnosti Ministarstva za privredu Zeničko-dobojskog kantona.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Organizacija- primatelj: Komore i udruženja iz područja privrede

Kriteriji: Prema Javnom pozivu.

2. RAZVOJ PODUZETNIŠTVA I PODUZETNIČKE KULTURE

UKUPAN IZNOS: 600.000,00 KM

Indikatori: Prihodi preduzeća, broj novoosnovanih obrta i preduzeća, broj novih radnih mjesta;

2.1. Subvencioniranje administrativnih troškova i investicija kod obrta

Iznos: 300.000,00 KM

Svrha:

Planirana sredstva će se koristiti za subvencioniranje investicija kod obrta iz područja prerađivačkih djelatnosti. U cilju intenziviranja investicija u proizvodne obrtničke djelatnosti i smanjenja administrativnih troškova, a samim tim povećanja zapošljavanja i razvoja, Vlada Kantona će pojedinačno subvencionirati dio troškova za:

1. Pripremu objekta za obavljanje djelatnosti,
2. Nabavku opreme i mašina (stalna sredstva) za obavljanje djelatnosti,
3. Poticanje mladih obrtnika (do 35. godina) i
4. Poticaj tradicionalnih zanata.
5. Poticaj ženskom poduzetništvu

Kriteriji i procedure za prihvatanje određenog projekta investitora detaljno su obrađeni u Javnom pozivu za odobravanje i dodjelu sredstava poticaja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Na kraju budžetske godine Ministarstvo će izvjestiti Vladu i Skupštinu Zeničko-dobojskog kantona o realizaciji poticaja.

Organizacija primatelj: Obrtnici

Kriteriji: Prema Javnom pozivu.

2.2. Subvencioniranje administrativnih troškova kod pokretanja poslovnih ideja i registracije privrednih subjekata

Iznos: 300.000,00 KM

Svrha:

U cilju intenziviranja realizacije poslovnih ideja u području proizvodnih djelatnosti, te smanjenja troškova administriranja pri izradi biznis plana, registraciji privrednog subjekta, nabavci potrebne opreme i mašina kao i troškova doprinosa za direktora privrednog subjekta, Vlada Kantona će refundirati troškove za odabrane projekte.

Pored navedenih mjera, Vlada kantona će pokrenuti program podrške obrtnicima (obrt mlađi od 6 mjeseci) i fizička lica koji će uključivati i) izgradnju poduzetničkih vještina kroz obuke, ii) izradu biznis plana, iii) sufinansiranje najboljih poslovnih ideja.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Organizacija primatelj: Novoregistrirani privredni subjekti ili poduzetnici koji žele osnovati novi privredni subjekt.

Kriteriji: Prema Javnom pozivu.

3. RAZVOJ TURISTIČKE INFRASTRUKTURE I PONUDE

UKUPAN IZNOS: 542.650,00KM

Indikatori: Broj turističkih posjetitelja, broj turističkih noćenja, prihodi od turizma, broj sezonskih ili privremenih radnih mjesta u turizmu;

3.1. Subvencioniranje projekata izgradnje i obnove javne turističke infrastrukture

Iznos: 500.000,00 KM

Svrha:

U cilju unapređenja turističke ponude Kantona, te intenziviranje razvoja turističke infrastrukture, a samim tim i uticaja na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata koje realizuju općine i nevladine organizacije, kao što su priprema i organizacija obnove i/ili izgradnje objekata javne turističke infrastrukture:

- kupališta i plaže na rijekama i jezerima,
- turistički informativni centri,
- odmorišta pored puteva,
- otvoreni objekti sportske rekreacije i rekreacije za djecu,
- male vještačke akumulacije sa kupalištem,
- zabavno rekreativne staze i puteve (trim staze, staze zdravlja, vidikovci, panoramski putevi, biciklističke staze, pješačke staze, i slično),
- objekti za posmatranje prirodnih rijetkosti,
- objekti za predah i kraće zadržavanje turista, i drugo.

Pravo na dodjelu sredstava poticaja za realizaciju projekata imaju općine, Mjesne zajednice i udruženja registrirana na kantonalnom nivou prema Zakonu o udruženjima i fondacijama („Službene novine Federacije BiH“, broj: 45/02), čije dominantne aktivnosti su vezane za djelatnosti turizma.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Organizacija- primatelj: Općine, Mjesne zajednice i udruženja

Kriteriji: Prema Javnom pozivu.

3.2. Subvencioniranje povećanja iskorištenja kapaciteta u ugostiteljskim objektima za smještaj i seoskom turizmu

Iznos: 42.650,00 KM

Svrha:

U cilju povećanja stepena iskorištenja smještajnih kapaciteta u ugostiteljskim objektima za smještaj, kao i zbog niza drugih sinergetskih efekata, Vlada Kantona će ugostiteljima koji pružaju ugostiteljske usluge u ugostiteljskom objektu za smještaj (iz skupine „druge vrste objekata za smještaj“, ugostiteljske usluge u domaćinstvu, seoskom domaćinstvu) subvencionirati dio troškova za smještaj i boravak turistima na području Zeničko-dobojskog kantona, počev od 01.01.2018. godine.

Pored subvencioniranja stepena iskorištenja smještajnih kapaciteta u ugostiteljskim objektima za smještaj, ovim programom će biti realiziran i jednokratni poticaj za registrirana i kategorizirana seoska domaćinstva, te etno sela i agro-turističke destinacije.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava na službenoj web stranici Kantona.

Organizacija primatelj: Privredni subjekti iz Zeničko-dobojskog kantona (pravna i fizička lica) registrirani za obavljanje djelatnosti smještaja i pružanja ugostiteljskih usluga turistima/posjetiteljima.

Kriterij: Prema Javnom pozivu.

4. SUFINANSIRANJE PROJEKATA FINANSIRANIH IZ MEĐUNARODNIH FONDOVA

UKUPAN IZNOS: 10.000,00 KM

Indikatori: Broj međunarodnih projekata; iznos realiziranih sredstava iz međunarodnih fondova.

Svrha:

Postupak EU integracija u posljednja vrijeme sve je prisutniji u Bosni i Hercegovini, pa i Zeničko-dobojskom kantonu. Mnogi subjekti koriste mogućnost obezbjeđenje finansijskih sredstava za realizaciju projekata iz međunarodnih finansijskih organizacija.

U ovim aktivnostima najčešće se traži participacija lokalne zajednice, a završava se sufinansiranjem.

Vlada Kantona donijet će Odluku o obavezi planiranja finansijskih sredstva za sufinansiranje projekata odobrenih od međunarodnih institucija. Ovom odlukom bit će sufinansirani projekti od interesa za Kanton samo u slučaju kada je prije dostavljanja aplikacije s implementatorom potpisan Protokol o partnerstvu.

Ministarstvo za privredu će podržati takve projekte iz svoje nadležnosti.

Organizacija – primalac: Partnerska organizacija

5. REZERVA

UKUPAN IZNOS: 100.000,00 KM

Svrha:

U slučaju da se pojave projekti koji nisu navedeni u prethodnom dijelu Programa utroška, prema odluci Vlade Kantona bit će finansirani iz ovih sredstava.

Organizacija – primatelj: Korisnici po zahtjevu

6. NEISPLAĆENI POTICAJI ZA 2018. GODINU ZA RAZVOJ TURISTIČKE INFRASTRUKTURE

UKUPAN IZNOS: 397.050,00KM

Na osnovu Javnog poziva za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju projekata izgradnje i obnove javne turističke infrastrukture, te je po osnovu uredno pristiglih zahtjeva, odobreno 16 zahtjeva sa priloženim projektima po kojim se uvidjelo da sva tražena sredstva za realizaciju ne prelaze finansijska sredstva planirana Programom utroška sredstava za 2018. godinu, stoga je Vlada Kantona donijela sljedeće Odluke:

Odluku o odobravanju finansijskih sredstava poticaja izgradnje i obnove javne turističke infrastrukture u ukupnom iznosu od 556.400,00 KM, broj: 02-14-14373/18 od 20.09.2018. godine i

Odluku o odobravanju finansijskih sredstava za obnovu starog grada Bobovca, općini Vareš u iznosu od 50.000,00 KM, broj: 02-14-18606/18 od 26.12.2018. godine.

Nakon toga došlo je do potpisivanja Ugovora između Korisnika sredstava i Ministarstva za privredu kojim su definirane obaveze a to su:

Korisnik sredstava se obavezuje da će:

1. odobrena sredstva koristiti namjenski u skladu sa dostavljenim zahtjevom i aktivnostima u skladu sa članom 2. Ugovora;
2. dužan je formirati Komisiju u kojoj će biti predstavnik Ministarstva, koja će sistemom javnih nabavki odabrati najboljeg ponuđača za izvođenje radova;
3. pridržavati se svih planova i ciljeva predviđenih projektom i Ugovorom prilikom realizacije sredstava;
4. obavijestiti Ministarstvo o problemima koji su od posebnog značaja za realizaciju ciljeva projekta, a koji mogu da utiču na kašnjenje ili potpunu obustavu realizacije, ili nepovoljnih uslova koji mogu utjecati na realizaciju projekta;
5. omogućiti aktivno praćenje realizacije projekta u svako doba po najavi predstavnika Ministarstva, što podrazumjeva posjetu na licu mjesta u vezi sa projektnim aktivnostima;
6. nakon prijema finansijskih sredstava dostaviti izvještaj o stepenu realizacije projekta u roku od 120 dana, a u roku od 30 dana nakon realizacije projekta podnijeti Ministarstvu završni Izvještaj o realizaciji projekta, njegovim rezultatima, sa Finansijskim izvještajem s računima u prilogu;
7. pridržavati se i poštovati sve pozitivne zakonske propise prilikom realizacije projekta;
8. ukoliko dođe do raskida ovog Ugovora vratiti sredstva Ministarstvu, koja do tog datuma nisu utrošena.

Ministarstvo se obavezuje da će:

1. izvršiti uplatu odobrenih sredstava Korisniku, kada Komisija koju je imenovao ministar Ministarstva (u daljem tekstu Komisija), da saglasnost za realizaciju. Komisiji je potrebno dostaviti sve relevantne dokumente koji će dokazati da će sredstva biti namjenski utrošena (po potrebi privremene i okončane situacije ovjerene od Nadzornog organa Investitora).
2. vršiti kontrolu utroška odobrenih sredstava i vršiti nadzor nad realizacijom projektnih ciljeva u skladu sa ovim ugovorom putem Komisije;
3. poduzeti sve zakonom predviđene mjere za povrat datih sredstava, ako Korisnik sredstava ne započne realizaciju projekta, ne pridržava se rokova navedenih u članu 4. ovog Ugovora) i ne poduzme predviđene projektne aktivnosti ili utroši sredstva nenamjenski, da u slučaju očiglednosti nije ni imao namjeru realizovati projekat.

Zbog procedura preciziranih u Javnom pozivu i Ugovoru, te procedurom javnih nabavki nije se moglo doći do realizacije, odnosno isplata finansijskih sredstava, stoga su sva neisplaćena i odobrena finansijska sredstva uvrštena u Program utroška finansijskih sredstava za 2019. godinu u sljedećem tabelarnom prikazu:

Redni. broj	Naziv korisnika projekta	Odobreni iznos (KM)
1	Grad Zenica, Trg BIH broj 6 Zenica	33.000,00
2	Općina Vareš, Zvijezda br.34	23.050,00
3	MZ Izbod, bb Breza	15.000,00
4	Općina Zavidovići, Safvet-bega Bašagića, Zavidovići	14.000,00
5	Općina Olovo, Branilaca bb, Olovo	80.000,00
6	Centar za društveni razvoj CEDRA, Ulica Prva, Žepče	20.000,00
7	UG PONIKVA, Šije bb Tešanj	7.000,00
8	Općina Maglaj, Viteška 4, Maglaj	15.000,00
9	Općina Visoko, ul. Alije Izetbegovića 12 A Visoko	140.000,00
10	Općina Vareš, Zvijezda br.34, za Bobovac	50.000,00
UKUPNO:		397.050,00

REKAPITULACIJA

Redni broj	NAZIV PROGRAMA	Iznos sredstava /KM/
1	RAZVOJ KONKURENTNOSTI PRIVREDE	750.300
1.1	Program podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patenti)	700.000
1.2	Subvencioniranje projekata komora i udruženja iz područja privrede	50.300
2.	RAZVOJ PODUZETNIŠTVA I PODUZETNIČKE KULTURE	600.000
2.1	Subvencioniranje administrativnih troškova i investicija kod obrta	300.000
2.2	Subvencioniranje administrativnih troškova kod pokretanja poslovnih ideja i registracije privrednih subjekata	300.000
3.	RAZVOJ TURISTIČKE INFRASTRUKTURE I PONUDE	542.650
3.1	Subvencioniranje izgradnje i obnove javne turističke infrastrukture	500.000
3.2	Subvencioniranje povećanja iskorištenja kapaciteta u ugostiteljskim objektima za smještaj i seoskom turizmu	42.650
4.	SUFINANSIRANJE PROJEKATA FINANSIRANIH IZ MEĐUNARODNIH FONDOVA	10.000
5.	REZERVA	100.000
6.	NEISPLAĆENI POTICAJI ZA 2018. GODINU ZA RAZVOJ TURISTIČKE INFRASTRUKTURE	397.050
UKUPNO:		2.400.000

Imajući u vidu činjenicu da će realizacija zavisiti od prijavljivanja potencijalnih korisnika, odnosno njihovog interesa, planirana sredstva se mogu prelijevati iz projekta u projekt.

Broj: 02-_____/19
Datum, 14.05.2019. godine
Z e n i c a

PREMIJER

Mirza Ganić

DOSTAVLJENO:
1x Ministarstvo za privredu,
1x Ministarstvo finansija,
1x a/a.